

YSGOL GYNRADD GYMUNEDOL LLECHRYD

2018 – 2019

ADRODDIAD BLYNYDDOL LLAWN I RIENI / GWARCHWEIDWAID

Newidiadau i gyfarfodydd Blynyddol y Rhieni / Llywodraethwyr

Mae Adran 94 y Ddeddf Safonau a Threfniadaeth Ysgolion (Cymru) 2013 (y Ddeddf) yn gwneud newidiadau pwysig i'r trefniadau deddfwriaethol blaenorol oedd yn ymwneud â Chyfarfodydd Blynyddol y Rhieni/Llywodraethwyr. Mae'n darparu trefniadau newydd lle gall rhieni ofyn am gyfarfod gyda chorff llywodraethol.

Fodd bynnag, bydd angen i'r rhieni fodloni pedwar (4) gofyniad statudol wrth alw cyfarfod sef:-

(i) rhaid i rieni 10% o'r disgyblion cofrestredig, neu rieni 30 o'r disgyblion cofrestredig (pa un bynnag sydd isaf) arwyddo deiseb yn gofyn am gyfarfod;

(ii) rhaid mai diben y cyfarfod yw trafod materion sy'n ymwneud â'r ysgol;

(iii) y nifer fwyaf o gyfarfodydd y gall rhieni ofyn amdanynt o fewn unrhyw flwyddyn ysgol yw tri (3);

(iv) rhaid bod yna ddigon o ddiwrnodau ysgol ar ôl yn y flwyddyn ysgol i ganiatáu cyfarfod.

At hynny:-

(a) rhaid cynnal y cyfarfodydd cyn diwedd cyfnod o 25 niwrnod;

(b) mae'r cyfnod o 25 niwrnod yn cychwyn y diwrnod ar ôl derbyn y ddeiseb, ond nid yw'n cynnwys unrhyw ddiwrnod nad yw'n ddiwrnod ysgol;

(c) os oes angen cynnal cyfarfod arall o ganlyniad i ddeiseb wahanol, ni fydd y cyfnod o 25 niwrnod yn dechrau tan y diwrnod ar ôl cynnal y cyfarfod arall;

(ch) rhaid bod digon o ddyddiau ar ôl yn y flwyddyn ysgol i gynnal cyfarfod cyn diwedd y cyfnod o 25 niwrnod;

(d) bydd cyfarfodydd yn agored i holl rieni'r disgyblion cofrestredig yn yr ysgol, y Pennaeth ac unrhyw un arall a wahoddir gan y corff llywodraethol;

(dd) mae'n rhaid i hysbysiad y cyfarfodydd i'r rhieni gynnwys dyddiad, amser a lleoliad y cyfarfod ynghyd â'r mater neu faterion i'w trafod.

Enw`r Clerc i`r Llywodraethwyr – Pauline Lucas, Adran Addysg Cyngor Sir Ceredigion, Canolfan Rheidol, Rhodfa Padarn, Llanbadarn Fawr, Aberystwyth, SY23 3UE.

Cadeirydd y Llywodraethwyr – Mrs Louise James, 11, Preseli View, Llechryd, Aberteifi, Ceredigion. SA43 2NL

Trefniadau etholiad nesaf y Corff Llywodraethol – mi fydd yr Awdurdod Addysg a`r ysgol yn hysbysu rhieni / gwarcheidwaid am drefniadau unrhyw gyfleoedd i fod yn rhan o`r Corff Llywodraethol a threfniadau etholiadau.

Aelodaeth y Corff Llywodraethu:

Teitl	Enw	Cyfenw	Categori	Diwedd
Cyng	Clive	Davies	ALI	9/5/21
Mrs	Louise	James	Rhiant	28/1/20
Mrs	Sonia	Davies	Rhiant	19/12/22
Mrs	Katrina	Thomas	Rhiant	6/10/21
Mr	James	Whittall	Cymuned	1/11/22
Mrs	Melanie	Williams	Cymuned	28/5/23
Mrs	Carys	Lloyd-Jones	Athrawes	5/5/20
Miss	Meinir	Lewis	Pennaeth	
Cyng	Iwan	Davies	Cymuned	8/11/21
Mrs	Nicky	Redmond	ALI	31/5/23

Sut mae`r ysgol yn defnyddio`r arian a dderbynir:

- Defnyddiwyd cyllideb yr ysgol er mwyn sicrhau y profiadau addysgol gorau i`r disgyblion ac i sicrhau adnoddau addas ar eu cyfer. Cryfder y trefniant presennol yw sicrhau ein yn gallu cynnal tri dosbarth am dri ddiwnod gyda`r cyllid sydd ar gael.
- Derbynwyd cyllid ychwanegol I dargedu llythrennedd a rhifedd. Mae`r Grant Datblygu Disgyblion yn cael ei ddefnyddio`n bwrpasol er mwyn diwallu anghenion disgyblion penodol, trefnwyd adnoddau a staff ychwanegol I gefnogi a chodi safonau yn y meysydd yma.

Rhoddion:

- Derbynwyd cyfraniadau hael gan y Gymdeithas Rieni. Gwerthfawrogwn yn fawr iawn.

Lwfansau neu gynhaliaeth i'r Corff llywodraethu:

- Costau teithio y Llywodraethwyr – ni dalwyd unrhyw gostau i'r llywodraethwyr yn ystod y flwyddyn 2018 - 19. Dymunaf ddiolch i'm cydlywodraethwyr am roi eu gwasanaeth yn hollol wirfoddol er budd a lles yr ysgol.

Presenoldeb

Sylwebaeth am bresenoldeb yr ysgol

Rydym yn bles gyda chyfartaledd presenoldeb yr ysgol. Gosodwyd targedau gan y llywodraethwyr am y dair mlynedd nesaf er mwyn parhau i wella presenoldeb.

Gwella presenoldeb:

Mae'r ysgol yn dilyn camau pendant i leihau absenoldebau. Mae'r ysgol yn cysylltu gyda rhieni / gwarchweidwaid lle mae lefel presenoldeb yn isel neu'n anghyson.

Targedau ar gyfer presenoldeb:

Presenoldeb ar gyfer y flwyddyn addysgol 2018 / 19 --- 96%

Disgyblion sy'n gadael yr ysgol ar ddiwedd Blwyddyn 6:

Mae disgyblion yn trosglwyddo fel arfer i Ysgol Uwchradd Aberteifi. Mae gan yr ysgol bartneriaeth bositif gyda'r ysgolion Uwchradd ac yn gweithredu cynlluniau pontio effeithiol. Dymunwn yn dda i'n disgyblion eleni.

Meithrin cysylltiadau rhwng yr Ysgol a'r Gymuned:

Y mae'r ysgol yn un o brif sefydliadau'r pentref ac yn rhan annatod o'r gymuned leol. Mae'r ysgol yn gwneud defnydd arbennig o adnoddau lleol gan gynnwys y Parc Chwarae, Neuadd y Cwrwgl, a'r Eglwys. Bu'r ysgol ar nifer o ymweliadau addysgol gan gynnwys Eglwys Maenodeifi, Amgueddfeydd a.y.y.b. Bu'r ysgol yn perfformio i fudiadau lleol ac mae cefnogaeth dda iawn. Cynhaliwyd gweithgareddau er mwyn hybu dealltwriaeth o godi arian at achosion da yn ystod y flwyddyn. Casglwyd cyfanswm o dros £100 ar gyfer Plant Mewn Angen; Pabi Coch, UNICEF; RNLI.

Cymdeithas Rieni ac Athrawon yr Ysgol

Hoffwn ddiolch i'r Gymdeithas Rieni ac Athrawon a holl gyfeillion yr ysgol am eu cefnogaeth yn ystod y flwyddyn. Mae'r Gymdeithas Rieni ac athrawon yn weithgar a brwdfrydig iawn ac yn llwyddo i gynnal amrywiol weithgareddau i godi arian tuag at brynu adnoddau ac i drefnu achlysuron cymdeithasol gyda naws deuluol Gymreig iddynt.

Bydd adroddiad llawn o'r gweithgareddau a'r arian a godwyd yng nghyfarfod blynyddol y Gymdeithas Rhieni yn nhymor yr Hydref.

Cyfarfodydd Rhieni / gwarcheidwaid:

Mae yna bartneriaeth dda yn bodoli gyda'r rhieni. Yn ystod y flwyddyn trefnir;

- Cyfarfod blynyddol y Gymdeithas Rhieni ac Athrawon.
- Noswaith agored tymor yr Haf a gwahoddiad i'r rhieni / gwarcheidwaid i ddod i'r ysgol ar ôl derbyn adroddiadau eu plant ym mis Gorffennaf.
- Gwahoddiad i rieni / gwarcheidwaid fynychu gwasanaethau arbennig.
- Gwahoddiad i fabolgampau'r ysgol.
- Cyfarfod ar gyfer rhieni / gwarcheidwaid plant y meithrin sydd am gychwyn yn yr ysgol.
- Cyfarfod rhwng rhieni / gwarcheidwaid plant sy'n derbyn cefnogaeth a'r athrawon arbenigol.
- Nodwyd bod croeso os oes unrhyw bryderon am addysg y plant yna i gysylltu ar unwaith.

Defnydd o'r adeilad / campws:

Cyfarfod rhieni ac athrawon yr Ysgol, rhai timau chwaraeon, Pwyllgorau, cyfarfodydd Cenedlaethol yr Urdd, Eisteddfod ayb.

Cysylltiadau gyda'r heddlu;

Mae swyddogion o'r heddlu fel Matthew Kieboom SCCH /PCSO 8153 a PC Ayers yn gweithio'n agos gyda'r ysgol ac yn cyfrannu yn bositif at weithgareddau addysg bersonol a chymdeithasol. Mae'r heddlu yn trafod gyda'r disgyblion a'r Cyngorhau'r Ysgol. Yn ystod y flwyddyn mae'r heddlu'n cydweithio gydag Adran Diogelwch y Ffyrdd sy'n ddarparu gwersi beicio diogel i'r disgyblion. Mae'r ysgol yn ddiolchgar am eu cydweithrediad.

Cynnydd ar Gynllun Gweithredu'r Ysgol (ar ôl arolygiad Estyn 2018)

Mae'r ysgol wedi gweithredu'r Cynllun Gweithredu yn dilyn adroddiad Estyn ym Medi 2013. Dyma grynodeb o'r datblygiadau:

A1 Codi safon iaith lafar disgyblion y cyfnod sylfaen
A2 Darparu mwy o gyfleoedd i ddisgyblion gymhwyso eu medrau rhifedd ar draws y cwricwlwm yn y cyfnod sylfaen

Hunanarfarnu a Chynllun Datblygu Ysgol:

Prif flaenoriaethau'r ysgol	Effaith / canlyniad
Parhau i ddatblygu'r gallu i gymhwyso Mathemateg a FfCD ar draws y cwricwlwm gyda'r pwyslais ar resymu a datrys problemau trwy'r Ysgol;	Cynnydd a chyflawniad disgyblion yn gwella; tystiolaeth ar draws yr Ysgol yn dangos yng gnwaith y disgyblion ac arsylwadau gwersi; gwelliant yn y sgorau Profion Rhesymu yn dangos bod disgyblion yn cyflawni mwy na 95+;
Arloesii Ysgol Arweiniol Greadigol	Gwaith arbennig am ddau dymor o greu chwedlau modern am yr amgylchfyd; darlunio a chreu e-lyfrau
Arloesi Ysgol Arweiniol Gymorth	Cynllunio'n ofalus am gymorth I Ysgol arall
Defnyddio Grant Datblygu Disgyblion yn effeithiol er mwyn cau'r bwch rhwng perfformiad disgyblion PYD / dim PYD	Amseru ymyraethau a monitro effaith
Siarter Iaith	Ymgorffori'r Siarter Iaith

Siarter Iaith:

Pwrpas y Siarter Iaith yw ysbrydoli ein plant I wneud defnydd llawn o'u Cymraeg y neu bywydau bob dydd er mwyn iddynt:

- Elwa'n addysgol;
- Elwa'n gymdeithasol;
- Elwa'n ddiwyddiannol
Ac elwa'n ececonomaid.

Nod y Siarter Iaith yw arwain at gynnydd yn nefydd cymdeithasol plant o'r Gymraeg. I ysbrydoli ein plant i ddefnyddio'u Cymraeg ym mhob agwedd o'u bywydau.

Mae'r Siarter Iaith yn gofyn am gyfranogiad gan bob aelod o'r ysgol: y Cyngor Ysgol, y disgyblion, y gweithlu, rhieni, llywodraethwyr a'r gumuned ehangach er mwyn sicrhau perchnogaeth lawn ohoni.

Mae'r ysgol wedi gwneud cynnydd da i ddatblygu agweddau y Cynllun Datblygu Ysgol yn ystod y flwyddyn flaenorol – gellir cael copi llawn o'r CDY gan y pennaeth.

Gwelliannau a osodwyd gan y Corff Llywodraethol ynglŷn â pherfformiad y disgyblion:

Targedau ar gyfer y dair mlynedd nesaf:

Gweler y targedau ar gyfer nifer y disgyblion fydd yn cyrraedd deilliant 5 neu'n uwch yn y Cyfnod Sylfaen a lefel 4 neu'n uwch yng Nghyfnod Allweddol 2 am y dair mlynedd nesaf. Mae'r ysgol yn gosod y targedau yma yn sgil y wybodaeth bresennol sydd gennym am y disgyblion yn ôl asesiadau athrawon blyneddol.

Yn ogystal â hyn rydym yn gosod lefel o her ar gyfer y dyfodol er mwyn codi safonau yn barhaus.

	Haf 2018	Haf 2019
Cyfnod Sylfaen	87.5%	100%
Cyfnod Allweddol 2	66%	100%

Sylwebaeth

- Mae'r ysgol wedi gwneud cynnydd da o safbwynt asesiadau'r disgyblion yn y ddau Gyfnod Allweddol.
- Mae'r canlyniadau yn adlewyrchu yn bositif ar y targedau heriol â osodwyd pob blwyddyn.
- Yn dilyn asesiadau cyson a nifer o brofion nodir pa lefel / deilliant y mae pob plentyn yn cyrraedd erbyn diwedd y flwyddyn. Ceir cysylltiad agos rhwng athrawon er mwyn cymedroli lefelau ac adnabod y ffordd ymlaen i'r plentyn unigol.
- Mae plant yn derbyn targedau cyson yn laith, Mathemateg, Gwyddoniaeth a Saesneg yng Nghyfnod Allweddol 2.
- Fel ysgol rydym yn anelu i sicrhau bod 100% o blant yn y Cyfnod Sylfaen a 100% o blant yn Cyfnod Allweddol 2 yn cyrraedd y lefel / deilliant disgwylidig (deilliant 5 neu'n uwch ar gyfer y Cyfnod Sylfaen a lefel 4 neu'n uwch ar gyfer CA 2).
- Rhoddir adroddiad manwl i bob rhiant ar ddiwedd y flwyddyn a bydd nosweithiau agored cyson a chyfle i drafod yr adroddiad diwedd y flwyddyn.

Diarddel Plant

Ni waharddwyd yr un disgybl yn ystod y flwyddyn addysgol 2018 -19

Adolygu Polisiau a strategaethau'r ysgol:

Mae'r ysgol yn adolygu polisiau yn gyson er mwyn sicrhau y ddarpariaeth orau ar gyfer y disgyblion. Yn ystod 2018 -19 adolygwyd polisiau yn ymwneud ag iechyd a diogelwch, diogelu plant, bwlio, a rhai agweddau cwricwlaidd. Mae copiau o'r polisiau

ar gael o'r ysgol neu ar y wefan. Mae'r rhestr o'r polisiau sydd wedi eu hadolygu yng nghofnodion y llywodraethwyr.

Gweithredu ar ôl adolygu polisiau:

Mae'r datblygiadau yn cael eu monitro'n gyson yn y cyfarfodydd tymhorol. Mae staff o'r ysgol wedi derbyn hyfforddiant pellach ar ddiogelu plant. Hoffwn ddiolch i bawb am gydweithio gyda'r ysgol i weithredu'r polisiau yma er lles pawb.

Chwaraeon a Gweithgareddau Allgyrsiol:

Mae'r ysgol yn darparu amrywiaeth o weithgareddau chwaraeon. Mae'r disgyblion yn meithrin sgiliau a phrofiadau o'r Derbyn i fyny at flwyddyn 6.

Mae yna raglen allgyrsiol eang sy'n anelu at foddio diddordebau holl ddisgyblion yr ysgol. Cynhelir Clwb yr Urdd yn wythnosol lle mae staff yr ysgol yn gwirfoddoli i gynnig gweithgareddau amrywiol i'r disgyblion. Mae'r gweithgareddau yn cynnwys chwaraeon, celf, a gweithgareddau amrywiol.

Mae cysylltiad cryf yn bodoli rhwng yr ysgol â mudiad yr Urdd ac mae disgyblion yn cael profiadau cyfoethog wrth ddilyn rhaglen o weithgareddau'r flwyddyn.

Mae staff yr ysgol yn paratoi disgyblion ar gyfer yr eisteddfodau cylch, rhanbarthol a chenedlaethol ac yn profi llwyddiant mewn amrywiol feysydd ar lefel genedlaethol.

Bwyta ac yfed yn iach:

Mae'r ysgol yn hybu iechyd y disgyblion ac yn awyddus eu bod yn magu patrymau iach o fwyta ac yfed ac yn rhan o strategaeth "Ysgolion Hybu Iechyd" Ceredigion. Enillwyd Cam 4 gyda'r Cynllun Ysgolion Iach Ceredigion ac mae'r Ysgol yn gweithio ar Gam 5.

Mae cinio ysgol iach yn cael ei ddarparu yn ddyddiol ac anogir disgyblion i fwyta pecynnau bwyd iach i ginio. Mae'r siop ffrwythau ffres ar agor yn ddyddiol gan y Ffrindiau Ffit. Mae digon o ddŵr ar gael i'r disgyblion, anogir pob disgybl i ddod â photel blastig bwrpasol ar gyfer ei llenwi yn ystod y dydd.

Gwobr Platiniwm Eco-Sgolion:

Mae gan yr Ysgol Cyngor Eco sy'n cael ei ethol ym mhob mis Medi ac mae'r aelodau'n brysur yn sicrhau ein bod yn Ysgol gynladwy sy'n parchu ac yn ymdrechu i wella amgylchedd yr ysgol. Enillwyd gwobr Platiniwm yng nghynllun Eco-Sgolion ers 2016.

Gwobr Masnach Deg

Mae Ysgol Llechryd yn ymroi i gefnogi Masnach deg lle bynnag y bo modd gwneud hyn drwy :-

Sicrhau bod Masnach Deg yn rhan o Gynllun Datblygu'r Ysgol;
Ddefnyddio te, coffi a siwgr Masnach Deg yn Ystafell yr Athrawon ac mewn cyfarfodydd y Corff Llywodraethol;
Defnyddio cynnyrch Masnach Deg yng ngwersi Technoleg Bwyd;
Dewis peli Masnach Deg pan yn adnewyddu rhai newydd;
Gofyn i'r cwmni arlwyg gynnwys mwy o gynnyrch Masnach deg yn eu cyflenwadau;
Gynnwys Masnach Deg yng Ngweithgareddau Cwricwlaidd bob Dosbarth;
Ymchwilio i'r posibilrwydd o gael rhan o'r wisg ysgol wedi ei wneud gan ddefnyddio cotwm Masnach deg;
Defnyddio cynnyrch masnach deg yn y siop Ffrwythau;
Hybu Masnach Deg yn y Gymuned, yn enwedig yn ystod pythefnos Masnach Deg.

Cam cyntaf i'r Wobr Ysgol sy'n Parchu Hawliau (GYPH) Unicef y DU. - 'Adnabyddiaeth o Ymrwymiad' ROC:

Mae Cytundeb y Cenedloedd Unedig yngylch Hawliau Plant (CCUHP) yn ddogfen ryngwladol sy'n diogelu hawliau a chyfrifoldebau pawb o dan 18 oed. Nod y CCUHP yw cydnabod hawliau plant a gofalu bod heddwch, urddas, goddefgarwch, rhyddid, cydraddoldeb a chydgefnogaeth yn themâu amlwg yn eu bywydau wrth iddynt aeddfedu.

Mae'r CCUHP yn cynnwys 54 erthyl. Mae 42 ohonynt yn cynnwys hawliau ac mae 11 yn rhoi gwybodaeth am sut y dylai llywodraethau a phartneriaid gydweithio i orfodi'r cytundeb. Mae'r hawliau dan sylw yn y CCUHP yn ymwneud â phob agwedd o fywyd a theulu plant a phobl ifanc gan gynnwys hawliau dynol a ryddid, gofal teulu, iechyd sylfaenol a lles, addysg, hamdded a bywyd diwylliannol a chamau diogel penodol.

Mae hawliau yn eiddo i bawb. Maent yn hawliau syflaenol sy'n eiddo i bob bod dynol, waeth beth yw ein gwaith. Mae hawliau yn galluogi i ffynnu, gyrraedd ein llawn botensial ac i gyfrannu at gymdeithas. Mae hawliau yn cynnwys llawr o agweddau ar fywyd bob dydd, o'r hawl i gael bwyd, cysgod, addysg ac iechyd hyd at yr hawl i ryddid meddwl, crefyddol a hunan fynegiant.

Ein bwriad yma yn Ysgol Gynradd Llechryd yw darparu'r addysg gorau poibl i'r plant yn ein gofal. Er mwyn llwyddo mae'n bwysig datblygu partneriaeth gryf rhwng y plant, yr athrawon a'r cartref gyda phob un ohonynt yn cydweithio er lles y plentyn.

Enillwyd Ysgol Gynradd Llechryd Gwobr Cam Cyntaf Ysgol Sy'n Parchu Hawliau ROC gan Unicef UK am wreiddio egwyddorion Confensiwn y CU ar Hawliau'r Plentyn yn ei hethos a'i chwricwlwm.

Mae addysgu am hawliau'r plant yn gwreiddio ym mhopeth y mae'r ysgol yn ei wneud ac wedi rhoi hwb i hunan-barch y disgyblion a gwella harmoni yn y dosbarth ac ar yr iard chwarae.

Mae'r erthyglau hawliau'r Ysgol i'w gweld ar draws yr ysgol i amlygu hawliau a sut dylai plant ymddwyn fel nad ydynt yn gwrthod hawliau pobl eraill hefyd.

Mae Mrs Carys Lloyd-Jones wedi gweithio'n agos gyda staff a disgyblion i sicrhau bod mewnbwn yr holl blant yn cael ei gynnwys wrth wneud penderfyniadau yn yr ysgol.

Newidiadau i Lawlyfr yr Ysgol:

Mae'r llawlyfr yn cael ei adolygu a'i ddiweddarau yn dymhorol. Mae copi o'r llawlyfr ar gael yn yr ysgol neu drwy law'r pennaeth. Bu newidiadau i gynnwys y llawlyfr yn ystod y flwyddyn gyfredol er mwyn gwella'r diwyg.

Dyddiadau'r tymor ar gyfer y flwyddyn
(gweler atodiad 2)
Diwrnodau cau HMS
(gweler atodiad 2)

Amserau Sesiynau

	Cyfnod Sylfaen	CA2
Dechrau'r dydd	9:00	9:00
Egwyl	10:15-10:45	10:15 – 10:45
Cinio	11:55	11:55
Dechrau'r prynhawn	1:00	1:00
Egwyl y prynhawn	2:15 – 2:30	Rhedeg Milltir
Diwedd y dydd	3:30	3:30

Cwricwlwm a threfniadaeth addysgu:

Mae ansawdd ac amrywiaeth y profiadau dysgu a ddarperir i'r disgyblion ar draws yr ysgol yn bwysig iawn i ni. Cynigir cwricwlwm eang a chytbwys sy'n cwrrdd â'r holl ofynion statudol. Mae'r athrawon yn parhau i adolygu'r cwricwlwm yn sgil datblygiadau newydd. Mae pwyslais mawr yn cael ei osod ar ddatblygu sgiliau cyfathrebu, sgiliau rhif, sgiliau TGCh a sgiliau meddwl. Mae'r Fframwaith yn cael ei gweithredu'n llawn drwy'r ysgol a cheir adroddiadau i rieni yn nodi cynnydd y disgyblion yn y meysydd yma.

Anghenion Addysg Arbennig:

Mae'r ysgol yn gwneud pob ymdrech i sicrhau fod pob plentyn yn teimlo'n rhan annatod o fywyd a gwaith yr ysgol ac yn cyflawni eu potensial fel unigolion. Mae'r ysgol yn adolygu y polisi Addysg Anghenion Arbennig yn rheolaidd er mwyn sicrhau cefnogaeth addas i ddisgyblion.

Mrs Nicky Redmond yw'r llywodraethwraig sy'n gyfrifol am Addysg Anghenion Arbennig.

Disgyblion sydd ag anableddau:

Mae campws yr ysgol wedi ei addasu'n gyson er mwyn rhoi mynediad rhwydd i ddisgyblion sydd ag anableddau, gosodwyd rampiau a chanllawiau i hybu mynediad i ddosbarthiadau a llwyddwyd drwy gynllunio gofalus i blethu plant ag anableddau yn llawn i gwricwlwm yr ysgol.

Categori iaith yr ysgol – Cymraeg

Defnydd o'r Gymraeg yn yr ysgol:

- Defnyddir y Gymraeg yn y Cyfnod Sylfaen a Chyfnod Allweddol 2 fel y brif iaith ym mhob rhan o waith cwricwlaidd ac allgyrsiol yr ysgol. Cyflwynir Saesneg i ddisgyblion ym Mlwyddyn 3.
- Y Gymraeg yw iaith gyfathrebu naturiol yr ysgol.
- Nid oes unrhyw gyfyngiad ar ddefnydd y Gymraeg yn yr ysgol, hyrwyddir y Gymraeg ym mhob agwedd o fywyd a gwaith Ysgol Llechryd.
- Mae'r ysgol yn sicrhau drwy gynllunio gofalus fod yna barhad a datblygiad cyson yn y profiadau i ddefnyddio'r Gymraeg yn holl weithgareddau cwricwlaidd ac allgyrsiol yr ysgol.
- Mae disgyblion yn trosglwyddo i ysgolion uwchradd lle mae cyfleoedd iddynt barhau i ddatblygu eu defnydd o'r Gymraeg.

Trefniadau a chyfleusterau toiled:

Mae gan yr ysgol nifer addas o doiledau ar gyfer y disgyblion. Mae'r cyfleusterau yn cael eu glanhau yn ddyddiol gan wasanaeth glanhau yr Awdurdod Addysg – Mrs Louise Spencer ac rydym yn ddiolchgar iawn am ei gwaith.

Cynnal a chadw'r adeiladau: Trwsio.

Diogelwch:

Rhaid parcio'n ofalus ar y strydoedd a pheidio parcio yn yr encilfa nac ar y porfeydd. Mae diogelwch yn bwysig iawn i'r llywodraethwyr, y Cyngor Ysgol a'r staff. Rhaid bod yn ofalus a pharchu eraill.

Gobeithio eich bod wedi cael budd o ddarllen am ddatblygiadau'r ysgol brysur hon. Cofiwch gysylltu gyda'r Pennaeth os ydych am wybodaeth bellach am ddatblygiad yr ysgol.

Diweddglo:

Dymunaf gyflwyno fy niolch personol i staff yr ysgol, y rhieni a'r plant am eu cefnogaeth a'u gwaith caled parhaus dros y flwyddyn ysgol.

Rhof fy niolch hefyd i aelodau'r Corff Llywodraethol am eu cymorth a'u cefnogaeth. Er hyn, yr elfen bwysicaf oll yw'r plant, maent yn allweddol i ysgol rhagorol. Diolchaf yn ddiffuant iddynt am eu diwydrwydd a'u brwdfrydedd.

Symudodd Miss H. Hughes y flwyddyn hon i gymryd swydd gyda'r Urdd. Diolchaf am ei chymorth a'i chefnogaeth yn ystod ei hamser yn yr ysgol.

Fe gawsom lwyddiannau mawrion y llynedd - yn staff, rhieni, plant a Llywodraethwyr. Rhaid adeiladu ar y fath lwyddiant er mwyn datblygu'r ysgol ac er mwyn i bob plentyn gyrraedd eu llawn botensial.

Diolch am eich cefnogaeth, cymorth a chydweithrediad.

Mrs Louise James
Cadeirydd

